

JU UNIVERZITET U TUZLI

**PRAVILNIK
O IZMJENAMA I DOPUNAMA PRAVILNIKA O PLAĆAMA, NAKNADAMA I
DRUGIM PRIMANJIMA ZAPOSLENIKA U JU UNIVERZITET U TUZLI**

Tuzla, maja 2005. godine.

Na osnovu člana 107. Zakona o radu («Sl.novine FBiH broj: 43/99 i 32/00), člana 20.stav 1. alineja 1. Zakona o Univerzitetu u Tuzli («Sl.novine Tuzlanskog kantona», br. 13/99.,12/00, 2/02,10/02, 11/03 i 8/04) i člana 218. tačka 1. Pravila JU Univerzitet u Tuzli (Prečišćeni tekst) Upravni odbor JU Univerzitet u Tuzli na sjednici održanoj dana 30.05.2005.godine donio je

P R A V I L N I K

O IZMJENAMA I DOPUNAMA PRAVILNIKA O PLAĆAMA, NAKNADAMA I DRUGIM PRIMANJIMA ZAPOSLENIKA U JU UNIVERZITET U TUZLI

Član 1.

Iza člana 6. Pravilnika o plaćama, naknadama i drugim primanjima zaposlenika u JU Univerzitet u Tuzli broj: 04-985-6/04 od 05.03.2004. godine (u daljem tekstu: Pravilnik) dodaje se novi član 6a) koji glasi:

«Optimalne nastavne linije u pogledu broja studenata na predavanjima utvrđuju se po grupacijama fakulteta, za sve studijske godine, kako slijedi:

Grupacija

broj studenata

- | | |
|---|------------------|
| 1. grupacija medicinskih, tehničkih i prirodnih nauka | do 120 studenata |
| 2. grupacija društvenih i humanističkih nauka | do 150 studenata |
| 2.1.grupacija društvenih i humanističkih nauka –
opšti izborni nastavni predmeti | do 300 studenata |
| 3. grupacija iz oblasti umjetnosti | do 50 studenata |

Naredna linija se uspostavlja ako broj studenata koji prelazi optimalni broj bude veći od 60 % od broja studenata utvrđene optimalne linije, za odgovarajuću grupaciju nauka».

Član 2.

U članu 7. brišu se riječi: «i broja do 120 studenata, prvi put upisanih, koji slušaju predavanje».

Član 3.

Dosadašnji član 10. postaje član 8.

U članu 8. brišu se riječi: «i broja do 150 studenata, prvi put upisanih, koji slušaju predavanja».

Član 4.

Dosadašnji član 8. postaje član 9.

U članu 9. ispred stava 1. dodaje se novi stav koji glasi:

«Ukoliko se Konkursom ne izvrši izbor novih nastavnika na nepokrivenim nastavnim predmetima, ili se na drugi način ne izvrši pokrivenost nastavnog predmeta, nastavniku se može povjeriti izvođenje nastave, u akademskoj godini, najviše na dva dvosemestralna nastavna predmeta, odnosno ekvivalent četiri jednosemestralna predmeta».

U prvoj rečenici tačke a) člana 9. umjesto tačke dodaje se zarez i riječi: «a za predavača i lektora za svaki sat odstupanja od 4 sata efektivnih predavanja, PBB se koriguje za $\pm 8\%$ ».

Tačka b) člana 9. mijenja se i glasi:

«Ako je broj sati vježbi po nastavnom planu veći od 3 sata za predmet na kome nastavnik izvodi efektivno predavanja, PBB se koriguje za $\pm 2,5 \%$, a za predavača i lektora, ako je broj vježbi po nastavnom planu veći od 4 sata, PBB se koriguje za $\pm 2\%$ ».

Tačka c) člana 9. mijenja se i glasi:

«Ukoliko broj prvi put upisanih studenata prelazi 60 % od optimalnog broja utvrđenog po grupacijama, PBB se koriguje za $+ 5 \%$ ».

U članu 9. tačka d) se briše.

U članu 9. tačka f) mijenja se i glasi:

«Izuzetno, nastavnik može učestvovati u izvođenju vježbi samo u slučaju kada se, po prethodno raspisanom konkursu ne izvrši izbor saradnika, te u slučaju kada predmetni nastavnik nema punu nastavnu normu.

Ukoliko nastavnik drži efektivno vježbe, za svaki sat održanih vježbi PBB se koriguje za $+ 3\%$, a za predavača i lektora za $+2,4 \%$. Nastavnik po ovom osnovu može ostvariti bodove samo za održane vježbe, na jednom predmetu po semestru, prema fondu sati vježbi utvrđenom nastavnim planom».

Član 5.

Dosadašnji član 9. postaje član 10.

Član 6.

Član 11. mijenja se i glasi:

«Norma nastavnika po svim osnovama utvrđenim ovim Pravilnikom ne može preći vrijednost 1,7».

Član 7.

U članu 12. iza stava 1. dodaje se novi stav 2. koji glasi: «Sedmično prosječno opterećenje saradnika u toku školske godine može iznositi najviše 15 sati vježbi».

Član 8.

U tački a) člana 13. broj: « $\pm 5 \%$ » zamjenjuje se brojem: « $\pm 6 \%$ ».

U članu 13. tačke b) i c) se brišu.

U članu 13. tačka d) mijenja se i glasi:

«Korekcija PBB po osnovu odstupanja pod a) može iznositi do $\pm 30 \%$ ».

Član 9.

Član 14. mijenja se i glasi:

«Optimalna nastavna grupa redovnih studenata za vježbe, rad na seminarima i praksi utvrđuje se u skladu sa uslovima iz nastavnog plana i programa i to:

1. **auditorne vježbe** 30 studenata
2. **laboratorijske-eksperimentalne vježbe**
 - 2.1. laboratorijske-eksperimentalne vježbe koje se izvode uz upotrebu optičkih, mjernih i drugih instrumenata, fonetske vježbe 15 studenata
 - 2.2. vježbe koje se organizuju u računarskim centrima/salama..... 15 studenata

2.3. vježbe koje se organizuju u računarskom centru na Ekonomskom fakultetu	30 studenata
3. sekcijsko-obdukcijске vježbe (anatomija, sudska medicina, patologija)	10 studenata
4. terenske vježbe	
4.1. terenske vježbe koje zahtijevaju rad studenata pod nadzorom i uputama stručnog radnika	10 studenata
4.2. metodičko-didaktičke vježbe na fakultetima humanističkih, prirodnih nauka i Edukacijsko-rehabilitacijskom fakultetu	10 studenata
4.3. ostale terenske vježbe demonstracionog tipa	30 studenata
4.4. dio vježbi koji se obavlja u jamskim postrojenjima	5 studenata
5. vježbe koje zahtijevaju individualni rad	
5.1. kliničke vježbe sa pacijentom	5 studenata
5.2. vježbe iz umjetničkih disciplina	5 studenata
5.3. vježbe na tehničkim fakultetima koje se odnose na oblasti robotike, automatike, upravljanja procesima, rudarska mjerenja i slično	5 studenata

Nastavni predmeti za prethodno navedene grupe utvrđuju se na početku školske godine, a najkasnije do 15. oktobra».

Član 10.

Član 15. mijenja se i glasi:

«Broj grupa za auditorne vježbe utvrđuje se tako da se ukupan broj, prvi put upisanih studenata uključujući i studente ponovce koji imaju obavezu odraditi vježbe prvi put, dijeli sa brojem studenata određene grupe vježbi i zaokruži na cijeli broj. Ostatak se raspoređuje na utvrđene grupe.»

Član 11.

Član 16. mijenja se i glasi:

«Grupe za laboratorijske vježbe formiraju se samo ukoliko su formirane laboratorije.

Broj grupa za laboratorijske vježbe za koje su formirane laboratorije utvrđuje se tako da se ukupan broj, prvi put upisanih studenata uključujući i studente ponovce koji imaju obavezu odraditi vježbe prvi put, dijeli sa brojem studenata određene grupe vježbi i zaokruži na cijeli broj. Ostatak se raspoređuje na utvrđene grupe.

Za laboratorijske vježbe kod kojih nisu formirane laboratorije, primjenjivati će se broj studenata u grupi kao za auditorne vježbe.

Naredna grupa za laboratorijske vježbe formira se ukoliko dobiveni ostatak, iza cijelog broja prelazi 40 % predviđenog broja studenata u grupi za vježbe.

Ukoliko se ispune uvjeti za formiranje nove grupe, na način utvrđen prethodnim stavom vrši se ravnomjerno opterećenje nastavnih grupa.»

Član 12.

U članu 17. ispred stava 1. dodaje se novi stav koji glasi:

«Angažovanje laboranata u izvođenju naučno-nastavnog procesa moguće je samo na grupaciji tehničkih, medicinskih, biomedicinskih, prirodnih nauka i Edukacijsko-rehabilitacijskom fakultetu ukoliko su na istim formirane laboratorije.»

Dosadašnji stav 1. postaje stav 2.

Član 13.

U članu 18. ispred stava 1. dodaje se novi stav koji glasi:

«Sedmično prosječno opterećenje laboranta u toku školske godine može iznositi najviše 30 sati vježbi.»

Dosadašnji stav 1. postaje stav 2.

U članu 18. stav 2. u tački a) broj « $\pm 2\%$ » zamjenjuje se brojem « $\pm 3\%$ »

U članu 18. stav 2. tačka b) mijenja se i glasi: «Korekcija PBB po osnovu odstupanja pod a) može iznositi $\pm 30\%$ »

Član 14.

U članovima 22. i 24. brojevi: «7, 10, 12. i 14.» zamjenjuju se brojevima: «7,8. i 12.»

Član 15.

U članu 40. tačka se zamjenjuje zarezom i dodaju riječi: «o čemu ovlaštena lica izdaju poseban akt.»

PRELAZNE ODREDBE

Član 16.

Ovaj Pravilnik stupa na snagu osmog dana od dana objavljivanja na oglasnoj ploči Univerziteta.

Član 17.

Odredbe članova 1. do 14. ovog Pravilnika primjenjivat će se počev od školske 2005/06. godine.

JU UNIVERZITET U TUZLI

Broj:04-3267-2/05

Tuzla, 30.05.2005.godine

PREDSJEDNIK
UPRAVNOG ODBORA:

Arapčić dr. Tarik

Ovaj Pravilnik objavljen je na oglasnoj ploči Univerziteta dana 31.05.2005. godine.